

BERITA TERENGGANU

Ikan balanak bawa tuah

MERANG - Muhammad Faizol Kamaluddin muncul juara Pertandingan Memancing senpena Program Sehari Majlis Badan Beruniform Bersama Naib Canselor dan Penguurusan Tertinggi Universiti Sultan Zainal Abidin (Unisza) apabila berjaya membawa naik ikan balanak seberat 0.22 kilogram.

Kemenangan itu membolehkan Muhammad Faizol membawa pulang hadiah utama berupa tunai berjumlah RM300 serta sebuah televisyen bersaiz 32 inci.

Tempat kedua pula menjadi milik Mohd Zahin Ibrahim apabila berjaya memancing ikan kitarang seberat 0.2 kilogram dengan memperoleh hadiah tunai RM200 beserta sebuah basikal.

Kejohanan yang dianjurkan Pusat Pembangunan Holistik Pelajar (PPHP) itu merupakan acara julung kali diadakan di IM4U Outreach Camp, Merang, Unisza, di sini.

Naib Canselor Hal Ehwal Pelajar dan Alumni (HEPA), Prof Madya Dr Nilk Wan Nilk Omar berkata, tujuan utama



Muhammad Faizol (Kanan) bersama hadiah yang dimenangnya.

kejohanan itu diadakan adalah untuk mengeratkan lagi hubungan antara pelajar dan penguurusan universiti.

"Melalui aktiviti sebegini juga secara tidak langsung tu-

rut memupuk semangat dalam kalangan peserta untuk lebih bersatu padu dan dalam masa sama mengisi waktu terluang dengan aktiviti yang berfaedah," katanya.